



minjemo: 20-02-2019  
435

Bosnia and Herzegovina  
Federation of Bosnia and Herzegovina

CANTON SARAJEVO  
Ministry of Traffic

Broj: 01-05-666-20-1/19 KM  
Sarajevo, 19.02.2019. god.

**SKUPŠTINA KANTONA SARAJEVO  
SARAJEVO**

**PREDMET: Odgovor na „Zastupničko pitanje“**

U prilogu dopisa dostavljamo Vam odgovor na postavljeno zastupničko pitanje na 3. Radnoj sjednici Skupštine Kantona Sarajevo održanoj dana 23.01.2019. godine, a od strane zastupnice Amre Junuzović Kaljić.

**Pitanje:**

„Zašto Ministarstvo saobraćaja ne izda Rješenja, odnosno odobrenja, prijevozniku koji može ili rješava dugogodišnji problem prijevoza putnika na području Općine Stari Grad.

Naime, dugi niz godina stanovnici mnogih područja Općine Stari Grad nema redovan ili nikakav prijevoz. Zbog toga je Uprava za inspekcijske poslove KS, krajem jula 2018 godine, sačinila Zapisnika na osnovu kojeg je Ministarstvo saobraćaja KS donijelo Rješenje o brisanju redova vožnje firme KJKP Gras koje te linije nije održavao. Međutim, iako je Ministarstvo saobraćaja bilo dužno da, u skladu sa članom 44. Stav 4. Pravilnika o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo, kojim je definirano da: „U slučaju prekida obavljanja većeg broja linija ili na većem području, Ministarstvo može angažirati drugog prijevoznika sa područja Kantona kako bi se osigurala komunalna funkcija javnog prijevoza“ to do danas Ministarstvo nije učinilo.

Također, sredinom decembra 2018 godine, na osnovu Javnog poziva proveden je postupak dodijele 22 linije u Kantonu Sarajevo, koje su neredovno ili nikako održavane. Međutim, ni nakon više od mjesec dana. Ministarstvo nije donijelo Rješenje o dodijeli linija prijevozniku koji je ispunio uvjete Javnog poziva.

Imajući u vidu da građani pojedinih naselja u Kantonu Sarajevo i dalje pješače tražim odgovor na pitanje zašto Ministarstvo saobraćaja ne izdaje potrebna Rješenja i time riješi jedan od najvećih problema građana u našem Kantonu.“

**Odgovor :**

Nakon završene procedure nadležnih organa, a vezano za brisanje linija koje je neredovno održavao KJKP „Gras“ d.o.o. Sarajevo na području Kantona Sarajevo, ovo Ministarstvo je



cijeneći odredbe člana 12. Pravilnika o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo („Službene novine Kantona Sarajevo“, broj: 28/09) pripremito i objavilo Javni konkurs za izbor prijevoznika na 22 linije javnog linijskog prijevoza putnika na području Kantona Sarajevo.

Blagovremeno je dostavljena jedna (1) prijava i to: prijevoznika "Centrotinas Eurolines" d.d. Sarajevo, komisija je izvršila provjeru ispravnosti prispjele prijave prijevoznika "Centrotinas eurolines" d.d. Sarajevo i vrednovanje prijave po kriterijima.

Ministarstvo je dopisom broj: 04-27-37290-1-1/18 KM od 28.01.2019. godine obavjestilo prijevoznika "Centrotinas Eurolines" d.d. Sarajevo da je njegova prijava dostavljena blagovremeno i ispunjava sve tražene uslove javnog konkursa.

Takođe, prijevoznik "Centrotinas Eurolines" d.d. Sarajevo je obavješten da bi se izvršila registraciju redova vožnje isti je dužan da dostavi tri (3) primjerka reda vožnje na propisanom obrascu reda vožnje - popunjen kao u „prijavi na Javni konkurs za izbor prijevoznika na 22 linije na području Kantona Sarajevo broj protokola: 04-14-38359/18 od 28.11. 2018. godine“ i tri primjerka itinerera (trase linije), sa potpisom i pečatom prijevoznika.

Nakon što je prijevoznik "Centrotinas Eurolines" d.d. Sarajevo dostavio traženo, donesena su rješenja o registraciji redova vožnje.

S poštovanjem,

Dostaviti:

- Skupština Kantona Sarajevo
- evidencija
- arhiva



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

